

Na osnovu 62. Zakona o državnoj službi u institucijama Bosne i Hercegovine („Službeni glasnik BiH“, br. 19/02, 35/03, 4/04, 17/04, 26/04, 37/04, 48/05 i 2/06), Agencija za državnu službu, donosi

N A R E D B U
o pravilima ponašanja kandidata koji učestvuju
u postupku konkursa za državne službenike u institucijama Bosne i Hercegovine

I

Ovom naredbom utvrđuju se pravila ponašanja kandidata koji učestvuju u postupku konkursa za državne službenike u institucijama Bosne i Hercegovine, a prilikom polaganja javnog i stručnog ispita za državne službenike.

II

Na kandidate koji prilikom polaganja ispita povrijede odredbe zakona, drugog propisa ili ove naredbe, pored mjera utvrđenih ovom naredbom, mogu se primijeniti i druge mjere odnosno propisane kazne.

Mjere utvrđene ovom naredbom, kao i kazne propisane čl. 100, 101, 102. i 103. Zakona o upravnom postupku („Službeni glasnik BiH“, br. 29/02 i 12/04), u odnosu na kandidate primjenjuje i izriče Agencija za državnu službu, a ostale kazne organi određeni posebnim propisima.

III

Kandidati su dužni na ispit doći na vrijeme, u zakazanom terminu. Na poziv državnog službenika ili zaposlenika Agencije (u daljem tekstu: predstavnik Agencije), kandidati su dužni ući u prostoriju u kojoj se ispit održava i identifikovati se dokumentom iz kojeg se jasno može utvrditi identitet kandidata.

Za vrijeme polaganja javnog i stručnog ispita, kandidatima koji polažu navedene ispite naročito se zabranjuje sljedeće:

- glasan razgovor između kandidata i neprimjereni komentari bilo koje vrste, u odnosu na druge kandidate, predstavnike Agencije, odnosno članove komisije;
- korištenje mobilnih telefona za vrijeme trajanja ispita;
- korištenje elektronske pošte, odnosno interneta;
- igranje kompjuterskih igara;
- korištenje drugih programa, osim programa koji je potreban za polaganje ispita;
- izlazak sa ispita prije završetka ispita, bez odobrenja predstavnika Agencije ili komisije;
- napuštanje ispita, kojom prilikom kandidat ne preda rad;
- korištenje bilo kakve literature na javnom ispitu;
- korištenje nedozvoljene literature na stručnom ispitu.

Kandidati koji ne postupe ili odbiju da postupe po stavu 1. ove tačke ne mogu pristupiti ispitu, a kandidati koji počine neku od radnji obuhvaćenih stavom 2. ove tačke, udaljuju se s ispita, o čemu se sačinjava službena zabilješka. Službena zabilješka se saopštava komisiji, po osnovu čega se rad takvog kandidata ne ocjenjuje, o čemu komisija donosi poseban zaključak.

IV

Obaviješteni kandidat koji ne pristupi nekom od ispita, gubi pravo na polaganje istih i dalje učešće u konkursu, osim ako iznimno Agencija u konkretnom slučaju, cijeneći osnovanost razloga, ne odredi drugačije.

V

Ova naredba stupa na snagu danom donošenja i objaviće se na službenoj internet stranici Agencije za državnu službu.

Broj: 03-02-210/06
30. marta 2005. godine
Sarajevo

DIREKTOR
Jakob Finci